

Guangjisi Minzcu Bau

ganhhau: CN45-0036 B.2013 Nd.11 Ng.20 liggaueq gveiqceih nienz ndwencib cibbet

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3099期

Vuzcouh: "Sam Aen Cosih Caemh Guh" Gyagiengz Dieg Saujsu Minzcu Gihcu Sezsih Gensez

梧州: "三管齐下" 加强少数民族地区基础设施建设

Gaenh bi daeuj, Vuzcouh Si aeu sam aen cosih, gyarengz youq dieg saujsu minzcu guh gihcu sezsih gensez, aeundaeh cingzcih ndei.

It dwg cungfaen leihyung gij cienzngaenz fazcanj saujsu minzcu haengrengz youq dieg saujsu minzcu guh gihcu sezsih gensez. Daj 2008 nienz daeuj, aen si neix minzveij hidungj cizgiz ceng ndaej gij cienzngaenz fazcanj saujsu minzcu guekgya gaep nem swicigih gaep haenx gungh 1350 fanh maenz, saehhengz 130 lai aen hanghmoeg, si bonjgaep hix bued gij cienzngaenz cienhangh fazcanj saujsu minzcu 300 lai fanh maenz, yungu daeuj coengh gij mbanj diegbya gae haenx coih roen guh giuz, hwnjguh

yinxraemx gunghcwngz daengj, mizyauq gaijndei gij gihcu sezsih diegbya gae saujsu minzcu.

Ngeih dwg saedhengz baez fuzbinz haifat gunghgenhcan moq ndeu, gyavaiq guh gihcu sezsih dieg saujsu minzcu. Bi' gvaq, aen si neix dawz Cangzbingz Yauzcu Yungu Cangzbingz Cunh, Yayiz Yauzcu Yungu Luzhaij Cunh, Dwngzyen Daliz Cin Ningzgangh Cunh daengj 25 aen cunh saujsu minzcu comzyouq haenx ndaej lied hauej aen si neix gij mbanj dingh youq "Cibngeih Haj" guh diemj fuzbinz haenx. Dan 2011 nienz daengz 2013 nienz, aen si neix roengz gij cienzngaenz fuzbinz hawj Yayiz, Cangzbingz song aen saujsu minzcu yungu haenx gungh 245.34 fanh

maenz. Doenggvaq saedhengz buek cosih fuzbinz he, dieg saujsu minzcu gij gihcu sezsih gensez engq vaiq.

Sam dwg aeu yangh gingq guh gihvei, cungdenj gaijndei song aen Yauzcu yangh gihcu sezsih. Bimoq nem birawz faenbied dwg aen si neix Cangzbingz, Yayiz song aen Yauzcu Yungu laebbaenz 30 hopbi, Vuzcouh si, yienh, yangh sam gaep dangjveij, cwngfuj cadawz seiz daegbied neix, gyarengz coengh song aen yangh neix fazcanj gihcu sezsih gensez. Doenggvaq saedhengz buek gihcu sezsih hanghmoeg gensez, song aen yangh neix gihcu sezsih gaijndei gig lai.

(Liuz Gozvwngj)

SIUSIK DINJ 简讯

● Geij ngoenz gonq, Yungz-anh Yen Banjgyauz Yang Mbanjhoucai, Mbanjgucin goeng-loh doeng mbanj guhbaenz nem niemhsou. Song mbanj neix dwg mbanj diegbya. Vih gaijgez vuzmbanj byaij roen hoj nanzdaez, aen yangh neix comz ndaej 34 fanh maenz daeuj guh roen. Dangqnaj, diuz roen raez 2.3 goengleix neix hawj vuzlai mbouj you byaij roen lo.

(Veiz Cujswz Vangz Sihbauj)

● 11 nyied 8 hauh, Yungzsuij Myauzcu Swciyen cujci dayoz-swngh, cunghyozswng nem doenghboux yizcwng cizfaz youq Dahyungzgyangh duenh Yungzsuij cuengq byamiuz, gungh cuengq byamiuz daihgaiq 25 fanh duz. Dangdieg gaeng laebdaeb 7 bi gaihcanj hawj bya sanj lai hozdung, youq Dahyungzgyangh cuengq byamiuz gungh 335 fanh duz doxhwnj, aeu neix daeuj henho swngdai bingzhwngz.

(Gungh Siengzyouj)

● Geij ngoenz gonq, Gvan-yangz Yen gawjbanh Gvanyangz Cenhyahdung byaij roen lijyouz heijguh yizsi. 200 lai doenghboux maij youq rogran yindung haenx camgya daih' it ngoenz byaij roen daejniemh Cenhyahdung, ngonz-yawj gij gingj ndei Gvanyangz.

(Yangz Hihyinz)

● 11 nyied 5 daengz 6 hauh, Daengx Meijgoz Yauzcu Yozvei Daiyaujdonz gungh 10 boux daengz Ginhsiu Yauzcu Swciyen damqra goekgaen. Gyoengqde gonqlaeng cunzyawj minzcu gauhcungh, Yauzcu bozvuzgvanj nem Mbanjsizbazgyah. Youq mwh cunzyawj, boux donzcangj lwnh naeuz Meijgoz doenghboux Yauzcu gig yawjnaek vwnzva bonjndang, youq segih Yauzcu, lij miz vuz cienmonz son lwgnyez Yauzcu hag Vahyauzcu, lijyi Yauzcu, gij goj riuz Yauzcu, youq ndaw ranz gangj Vahyauzcu, roengzrengz bauj gij sibgveng gwnnduet, moix bi cungj gvaq ciet bimoq Yauzcu.

(Yiz Canghyungz)

Liujcwngz: "Fwencuengh" Haeuj Hagdangz Eu Doxgiet



柳城: "壮欢" 进校唱团结

11 nyied 14 hauh, Liujcwngz Yen Minzcuizgiz, Gvayuzgiz, Vwnzlenz daengj bumwnz youq Daibingz Cin Cungsim Siujyoz guh ndwen minzcu doxgiet "Fwencuengh" haeuj hagdangz hozdung, baez hozdung neix aeu "cingz minzcu · siengmuengh Cunghoz" guh cawjdaez, doenggvaq comz canghfwen Bouxcuengh haeuj hagdangz bae eu "Fwencuengh", hawj 500 lai boux lauxsae nem hagseng Bouxcuengh daejniemh gij yinxndei "Fwencuengh", sonyinx hagseng hungzyangz nem fazcanj minzcu vwnzva yisuz, laebhwnj minzcu doxgiet yisiz. Ndaw doz dwg gyoengq canghfwen iq aen yozyau neix cingq eu "Fwencuengh".

(Dwng Gwzyiz ingj)

Denhdwngj: Bineix Roengzngaenz 500 Fanh Lai Coengh Haifat Canjyez Fuzbinz

天等: 今年累计投入逾500万元助力产业扶贫开发

"Bineix, ndaw yienh mbouj aeu cienz fathawj gomiuz manhdaengj-mbwn, lij lai baez cujci doenghboux nungzgiyenz daengz ndaw reihnaz son baenzlawz dajndaem. Ranz gou ndaem 3 moux lai manhdaengjmbwn ndaej fungsou, gij souhauej cingh-seuq miz fanh lai maenz. Hehe, neix docih baihgwnz dangjveij cwngfuj gvensim nem bangcoengh!" Geij ngoenz gonq, Denhdwngj Yen Dozganh Yangh Aigenz Cunh Mbanjfaznaz mehcoz Cangh simjdaih

gikdoengh dwk naeuz.

Daj bineix daeuj, Denhdwngj Yen daj goek daengz byai dawz hong fuzbinz haifat dangguh gij saeh minzswng youqgaenj daeuj ca ndei, lai roengzrengz guh ndei hong fuzbinz haifat, coi diegbya doenghboux nungzminz lai ndaem lai sou. Daengz dangqnaj, Denhdwngj Yen gyoep-suenq roengz cienzngaenz guh canjyezva fuzbinz 544 fanh maenz, bangcoengh dajndaem makit, manhdaengjmbwn, makfeiz, lwkbiek,

vagimngaenz nem raemxyingzyangj doigvangq yungu daengj 6 aen hanghmoeg. Ndawde, guhsat manhdaengjmbwn, makit, lwkbiek, vagimngaenz nem makfeiz daengj 5 aen canjyez hanghmoeg dajndaem gungh 7285 moux, ciemq giva yinvu 139.2%; gaijguh ndoengfaex canjlieng daemq 20000 moux, ciemq gij yinvu si gaep 100%; bangfuz nungzhoh 9914 hoh 46452 vuz, ciemq daengx bi yinvu 142.3%.

(Liengz Cwngzfuj Liu Meijcinh)